

Monumento 18 di Maart

DUNA HONOR NA ARUBIANONAN HUMILDE CU A HINCA E LUCHA

Un di e aspectonan bunita di e "MONUMENTO 18 DI MAART" ta cu en esencia e ta duna honor na un grupo grandi y nan lider. E lider ta Shon A Eman. E grupo ta e Arubianonan cu na aña 1947-1948 a uni forza pa hunto presenta e mocion pa Aruba goberna su mes y haya su "Status Aparte". E ta e dunamento di honor na tur e Arubianonan humilde, hopi tata y mama di nos awe, cu e tempo ey caba a wak e husticia di e lucha pa Aruba maneha su mes un asunto. Cu e worde goberna door di su propio hendenan, pa su propio hendenan. Ki mas bunita ta duna honor na e hendenan cu cua y pa cua a hiba e lucha pa mas cu 60 aña. Ki mas bunita ta pa gradici esnan, nos mayorman y abuelonan cu den un epoca hopi diferente, hopi mas dificil den tur sentido, a lanta para y a uni pa existi respet pa nos mes. Cu a lanta den tur bario di nos isla y a firma e

actonan pa mostra Reino Hulandes y henter mundo cu e isla chikito aki, ta conta. Y cu su hendenan mes kier percura pa nan futuro. Esaki ta e hendenan cu a uni sin distincion di ningun, homber y muher, nan balente, cu a bisa cu "nos kier ta baas den nos propio cas. Nos kier goberna nos mes. Nos kier Status Aparte!"

PORFIN

Tur rond di mundo ta rindi honor na heroenan nacional, pero masha poko ta wak cu Pueblonan mes ta worde honrá. Cu e "MONUMENTO 18 DI MAART" Aruba ta honra no solamente e persona cu a cana di cas pa cas den tempo cu transportation tabata scars, cu luz tabata un luho y pobresa tabata grandi na Aruba, pa concientiza nos Pueblo di un mihor futuro den cua Arubianonan lo ta doño di nan propio destino. E Pueblo a kere den e ideal aki y a uni cu

Shon A Eman pa logra esaki. E mes no a wak e final. Pero e tabat otro Arubianonan cu a kere den e ideal y a sigui cu e lucha. Betico Croes, cu Shon A mes a pidi pa drenta politica asigui cu e lucha cu un forza nobo y cu sosten di

Pueblo. E Pueblo mes no a bandona e lucha pa e ideal aki. Ta e Pueblo aki, en especial esnan cu a sostene semper e lucha aki, ta worde honra ariba e monumento aki. Nan nombrenan lo keda graba pa semper den

memoria di nos Pueblo. E monumento ta halza nan na e nivel di pioneronan di nos patria. Pasobra ta nan a haci cu na 1948 por a entrega e mocion na La Reina y cu a pone e base pa e Status Aparte cu nos ta biba aden awe.

DIABIerna AWOR TIN ANOCHI DI POESIA Y LITERATURA

ORANJESTAD (AAN): Pa cu e celebracion di 10 aña di Status Aparte y 20 aña di Himno y Bandera, Biblioteca Nacional cu e Comision 18 di Maart lo organisa un anochi di poesia. Esaki lo tuma lugar Diabierna 15 di Maart pa 7'or di anochi te cu 10'or y mei den aire liber patras di Biblioteca Nacional.

E vegetacion y adorno cu luz di color, lampi di kerosin y flambeuw lo percura pa un ambiente rustico. E popular Tino Ruiz lo deleita e publico cu su musica, lo tin declamacion di poesia y pasa boca crioyo.

Un y tur ta keda cordialmente invita pa asisti na es anochi di 15 di Maart aki di

poesia na Biblioteca Nacional.

UN ANOCHI LITERARIO. Tambe dia 21 di Maart lo tin anochi literario na Biblioteca Nacional, ya cu literatura di Aruba ta relativamente hoben, pero asina mes ela produci datos interesante. Un di e temanan cu cada vez ta bini bek den literatura ta esun di e "Amor Pa e Isla di Aruba", e barranca den lama cu su caracter special y su bunitesa peculiar. Manera Federico Oduer den su obra a yega di expresa su mes "Mi Isla ta un Sentimiento Profundo".

Chris Westrate y Wim Rutgers lo hiba bo riba un viahe, durante e anochi di dia 21 di Maart, durante es anochi, pa conoce lugarnan y paisanenan cu durante dos siglo escritoman a admira den cuatro idioma. E panorama aki ta cubri henter e isla, di e lama keto te cu e costanan bruto di e parti norteyo, di Alto Vista pa San Nicolas y di Oranjestad pa Boca di Brik (Natural Bridge).

Chris Westrate a biba hopi aña ariba Aruba y tabata director di Juliana School, Wim Rutgers ta docente di literatura na Instituto Pedagógico Arubano y e ta skirbi reseñas pa Amigoe.

Henter nos comunidad y en especial amantenan di literatura ta keda invita pa e dos ocasion nan aki, tanto dia 18 como dia 21 di maart. Entrada ta gratis.

JR AUTOCENTER N.V.

Tel: 48295

Cura Cabai na Highway

****Cu servicio nobo pa 1996****

Nos ta revisa full e sistema electrico di bo auto



GRATIS

Nos ta check: Bateria
Alternator
Starter
Cut out
Systema di luz



UN SERVICIO DUNCAN GRATIS PA BO!!!



Nos linea economico pa 4 cyl.
Afl. 86.50

Poder y economia
Afl. 115.00

Esun compacto pa motonan V-6 Full Equip
Afl. 130.00

Pa V-6 Full Equip Sidepole
Afl. 145.00

E Powerhouse
Afl. 157.50

TELEFONNAN DI DIARIO
26747
FAX
28551